

atq; Ioanni electo patriarchæ Constantinopolitani, necnon uenerabilibus fratribus Roberto Saresbiriensi, Ioanni Lichfeldensi, & Stephano Dolensi episcopis, ac dilectis ecclesiæ filijs Guillermo Pulchrinepotis Franciæ, Ioanni de Podemotis generali ordinis Prædicatorum, in obedientia Petri de Luna, Benedicti decimertij nuncupati in sua obedientia, magistris in sacra pagina, Michaeli de Nauers utriusque iuris Aragonum, & Ioanni de Ledena legum Nauarræ regum illustrium oratoribus, Iacobo electo Parmensi, Hermanno de Duuerck sedis apostolicæ protonotario, Roberto abbati Cluniacensi, Nicolao Vuoidis utriusque iuris, Petro Nardi, Henrico Fleckel, decretorum sedis apostolicæ capellanis, & auditoribus causarum palatii apostolici, & loanni Rellis decretorum doctoribus, quatenus ipsi uel eorum maior pars examinēt articulos, quos offerri contigerit coram dicta synodo, uel coram dictis commissarijs, & eis examinatis, super illis qui ipsi uel eorum maiori parti admittendi uidebitur, de quorum articulorum receptione & eorundem admissione, præfata synodus dictis commissarijs, uel eorum maiori parti plenam confert & committit potestatem. Ipsi autem duo ex eis ad minus super articulis prædictis, & alijs offerendis & eorum ueritate & notorietate testes & alia probationum genera recipiant, iurariq; faciant, & examinent diligenter, ita quod occupantium conditio melior non existat, neque per aliorum inchoationem aliorum derogetur potestati, sed duobus aut pluribus negocium huiusmodi examinationis & receptionis testium inchoantibus, cæteri & cuiuslibet duo siue bini ex illis, etiam seorsum & separatim, ac eodem uel diuersis temporibus testes & alia probationum genera etiam super articulis & alijs inchoatis recipere, examinare, ac mandatum huiusmodi ualeant exequi, testiumq; attestaciones & probationes alias uel eorum effectum eidem sacræ synodo fideliter referant, ut exinde eadem sancta synodus super præmissis procedat, decernat, & iudicet, prout secundum deum, iustitiam & æquitatem fuerit faciendum. Mandat in super & committit eadem sancta synodus præfatis commissarijs, & duobus (ut præmittitur) ex illis, quatenus ad dies, horas & loca opportuna eundem Benedictum sic (ut præmittitur) nominatum, citent, aut citari faciant per emptorie, publice coram ipsis in locis prædictis ad uidentum etiam recipi, produci, iurare testes, & alia probationum genera in causa huiusmodi quatenus opus erit, uel potestate citandi & cogendi testes præfatos quoscunque, si qui forsitan à dicta depositione se subtraxerint. Protestatur etiam eadem sancta synodus, quod per quoscunque actus, ordinem, seu terminos iudiciarios seruatos uel seruandos in hac causa, formæ processus, quæ de iure seruanda est, aut seruari sufficit in notorijs, renunciare non intendit, neque ad seruandum iudicarium ordinem se obseruare astringit quouis modo. Quæ schedula lecta, reuerendissimus pater dominus Ostiensis præfatus nomine huius sanctæ synodi super dicta schedula & contentis in ea, respondit per uerbum, Placet.

al. Podemotis

al. Vaillis

al. se astringere

SESSIO TRIGESIMATER TIA.

**A**NNO & indictione quibus supra, die uero mercurij duodecima mensis Maij, fuit celebrata sessio generalis in maiori ecclesia Constantiensis. In qua reuerendissimus pater dominus Nicolaus archiepiscopus Guesnæ, missam celebravit. Fuirq; præfatus huic sessioni reuerendissimus pater dominus Ioannes episcopus Ostiensis uicecancellarius sanctæ Romanæ ecclesiæ cardinalis. Et intererat huiusmodi sessioni serenissimus princeps dominus Sigismundus Romanorum & Hungariæ rex, indutus uestimentis imperialibus, coronam in capite habens, antantibus sibi reuerendissimis in Christo patribus & dominis, domino Angelo Prænestino & Iordano Albanensi episcopis sanctæ Romanæ ecclesiæ cardinalibus, illustrißimis principibus Rodolpho Saxoniarum in ense, Ludouico Bauriarum ducibus in panno, & Frederico marchione Brandeburgensi in scepro, & habitibus consuetis sibi seruentibus